



ԲԱՐՁՐԱԳՈՒՅՆ ԿՐԹՈՒԹՅԱՆ ԵՎ ԳԻՏՈՒԹՅԱՆ ԿՈՄԻՏԵ  
Ն Ա Խ Ա Գ Ա Հ

ք. Երևան

02 հուլիսի 2024 թ.

Հ Ր Ա Մ Ա Ն N 187-Ա

ԱՅԼ ԵՐԿՐՆԵՐՈՒՄ ՍՏԱՑԱԾ ԳԻՏԱԿԱՆ ԿՈՉՄԱՆ ՓԱՍՏԱԹՂԹԵՐԻ  
ՀԱՄԱՊԱՏԱՍԽԱՆԵՑՄԱՆ ԿԱՐԳԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ ԲԱՐՁՐԱԳՈՒՅՆ ՈՐԱԿԱՎՈՐՄԱՆ ՀԱՆՁՆԱԺՈՂՈՎԻ  
ՆԱԽԱԳԱՀԻ 2003 ԹՎԱԿԱՆԻ ՕԳՈՍՏՈՍԻ 27-Ի N 11 ԿԱՐԳԱԴՐՈՒԹՅՈՒՆԸ  
ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Առաջնորդվելով «Նորմատիվ իրավական ակտերի մասին» Հայաստանի Հանրապետության օրենքի 37-րդ հոդվածով և Հայաստանի Հանրապետության կառավարության 2001 թվականի հուլիսի 9-ի N 615 որոշմամբ հաստատված «Հայաստանի Հանրապետությունում գիտամանկավարժական կադրերին պրոֆեսորի և դոցենտի գիտական կոչումներ շնորհելու կարգի» 14-րդ կետի պահանջներով՝

Հ Ր Ա Մ Ա Յ ՈՒ Մ ԵՄ

1. Հաստատել այլ երկրներում ստացած գիտական կոչման փաստաթղթերի համապատասխանեցման կարգը՝ համաձայն հավելվածի:

2. Ուժը կորցրած ճանաչել Հայաստանի Հանրապետության բարձրագույն որակավորման հանձնաժողովի նախագահի 2003 թվականի օգոստոսի 27-ի «Գիտական կոչման դիպլոմի (վկայագրի) համապատասխանեցման կարգի մասին» N 11 կարգադրությունը:

ՍԱՐԳԻՍ ՀԱՅՈՑՅԱՆ

## Հավելված

Բարձրագույն կրթության և գիտության կոմիտեի  
Նախագահի 2024 թվականի հուլիսի 2-ի N 187-Ա  
հրամանի

### Կարգ

#### Այլ երկրներում ստացած գիտական կոչման փաստաթղթերի համապատասխանեցման

1. Սույն կարգով սահմանվում են այլ երկրներում ստացած գիտական կոչման դիպլոմի (վկայագրի) համապատասխանեցման գործընթացի հետ կապված հարաբերությունները՝ «Հայաստանի Հանրապետությունում գիտամանկավարժական կադրերին պրոֆեսորի և դոցենտի գիտական կոչումներ շնորհելու կարգին» և «Հայաստանի Հանրապետության գիտական կոչումներ շնորհելու մասնագիտությունների անվանացանկին» համապատասխան:

2. Այլ երկրներում ստացած գիտական կոչման դիպլոմի համապատասխանեցումն իրականացվում է Բարձրագույն կրթության և գիտության կոմիտեի (այսուհետ՝ Կոմիտե) կողմից՝ հաշվի առնելով Հայաստանի Հանրապետության միջազգային պայմանագրերով կամ համաձայնագրերով ստանձնած պարտավորությունները:

3. Դիպլոմի համապատասխանեցման համար Կոմիտե ներկայացվող անհրաժեշտ փաստաթղթերն են.

- 1) դիմում՝ Կոմիտեի նախագահի անունով,
- 2) համապատասխանեցման ենթակա գիտական կոչման դիպլոմը (պրոֆեսորի գիտական կոչման դիպլոմի համապատասխանեցման համար, նաև՝ դոցենտի գիտական կոչման (առկայության դեպքում) դիպլոմը) և դրա պատճենը (դիպլոմի բնօրինակը վերադարձվում է պատճենի հետ համեմատելուց հետո),
- 3) դիպլոմի՝ նոտարական կարգով վավերացված հայերեն թարգմանությունը,
- 4) բարձրագույն կրթության դիպլոմի պատճենը,
- 5) գիտական աստիճանի դիպլոմի պատճենը (դոկտորի գիտական աստիճանի դեպքում՝ նաև թեկնածուի գիտական աստիճանի դիպլոմի պատճենը),
- 6) անձնական թերթիկ,
- 7) հրատարակված գիտական աշխատանքների ցուցակը,

8) գիտության, մանկավարժության, մշակույթի, սպորտի բնագավառներում նվաճումները հաստատող փաստաթղթերի պատճենները,

9) քաղվածք աշխատանքային գրքույկից (առկայության դեպքում) գիտամանկավարժական գործունեության վերաբերյալ,

10) անձնագրի պատճենը:

4. Սույն կարգի 3-րդ կետով սահմանված փաստաթղթերը դիմողը ներկայացնում է 1 (մեկ) օրինակից:

5. Համապատասխանեցման մասին որոշումն ընդունվում է գործի (փաստաթղթերի) ուսումնասիրման հիման վրա և դրական որոշման դեպքում տրվում է համապատասխան փաստաթուղթ, որը հաստատվում է Կոմիտեի նախագահի հրամանով: